

CAMBIO DI LEY A SER APROBADA DEN EILANDSRAAD TAMBE

Parlamentarionan a celebra esaki mes ora despues

ORANJESTAD(AAN)—Cu 17 voto na fabor, y 0 contra, ayera mas o menos 10 pa siete anochi, a ser aproba e cambionan di ley pa Aruba por ta un pais ariba su mes como parti di Reino Hulandes for di januari venidero.

Partido PPA tabata e unico partido cu no a tuma parti na e votacion y tabata for di sala na e momento ey, manera a ser spera tambe di nan, ya cu PPA a keda para ariba cu nan ta na fabor di Status Aparte, pero

no na fabor di e fecha di independencia cu ta ser menciona y aproba den e cambionan di ley pa trece esakinan den Statuut nobo.

Sr. Betico Croes ayera tardi a tene su mes na e logro y a recorda tambe Sr. Clemente Lacle cu un poesia di difunto Clemente Lacle.

El a referi tambe na pablanan di prof. Steenkamp na final di e sesion di Eerste Kamer, den cual el a bisa cu ta poco ta esnan cu tin privilegio

di mira nan idealnan realiza, na bida. No ta tur politico tin e privilegio ey.

Sr. Croes a muestra cu e generacion aki tabata tin privilegio di mira su idealnan realiza ainda.

Sr. Henny Eman a elabora ariba e dia historico y ariba e logro di AVP den e lucha pa Status Aparte y tambe el a haci un apelacion ariba PPA pa vota tambe na fabor di e cambionan di ley.

Sr. Benny Nisbet a la-

ga sa cu Status Aparte no ta di AVP, el a expresa su mes tambe fuerte den direccion di Sr. Eman durante su discurso.

Sr. Pedro Kelly a enfatiza e Union y balor historico di e dia aki, mientras cu Sr. Selwyn Spanner a expresa su mes den mes sentido.

Despues di votacion, e parlamentarionan a keda celebra esaki, despues di a braza otro felicitando otro cu e decision di votacion.

Na mes momento di vo-

tacion, simpatisadornan di PPA cu autonan cu bandera di PPA a tene un parada dilanti di parlamento.

Den sala di parlamento a sigui un cocktailparty chiquito y despues un grupo di parlamentarionan y simpatisadornan a sigui celebra na cas di Sr. Betico Croes.

Di PPA tabata na e reunion SRes. Nisbet y Henriquez mientras cu Sr. Frank Williams no a atende e reunion ayera tardi.

LUBBERS A PROLONGA ESTADIA NA VENEZUELA

Pa trata na logra solucion

ORANJESTAD(AAN)—E miembronan di delegacion Antillano cu ta na Caracas actualmente a califica e prome vuelta di reunion cu PDVSA na Venezuela, como dificil.

Prome ministro di Hulanda, Ruud Lubbers a laga sa cu e reunion tabata dificil pero satisfactorio, locual ta haci posibel pa sigui busca un solucion.

Prome Ministro di Antillas Maria Liberia Peters a bisa cu e reunion a duna motibo pa sigui ta optimista.

E di dos vuelta a sigui ayera tardi. Topico principal ta cu ki condicion Venezuela por suministra Shell cu petroleo pa e refineria na Curacao sigui opera ariba termino largo.

E situacion tabata di tal forma ayera tardi cu prome ministro di Hulanda Ruud Lubbers a dicidi di keda Caracas un anochi mas pa asina busca solucion final.

Ayera a atende e aspecto tecnico pa un eventual acuerdo entre gobierno Hulandes, gobierno Antillano y gobierno Venezuela pa lo-

que ta e futuro existencia di Shell na Curacao.

Segun e comentarionan duna apesar cu e deliberacionnan tabata dificil, nan tabata alentador.

Lubbers a laga sa ayera cu e no por bandona Venezuela y laga cosnan na mitar. El a admiti cu e conversacion cu PDVSA tabata dificil pero satisfactorio.

El a bisa tambe cu e hecho cu e ta keda tambe ta cu e ta mira un chance pa un acuerdo.

Tres aspecto importante a bin dilanti. Venezuela kier pa Shell Curacao sigui opera pa un periodo largo, y ta pensando ariba 10 aña, tambe cu Shell Curacao mester haci e inversionnan necesario pa tene e refineria na nivel optimal, y Shell Curacao mester keda cu mayoria di accionnan.

Aki Venezuela ta pensa ariba 80 porciento di e accionnan.

A ser papia tambe ariba asunto di prijs preferencial y e partidonan a trata di yega na un forma adecua, asina cu Venezuela lo por bende esaki den Organizacion di Paisnan Exportador di Petro-

leo, OPEP.

Te asina leeuw cu DIARIO por a ser informa ta cu ayera anochi tabata ser spera acuerdo, ya cu

awe prome ministro Maria Liberia Peters y Prome Ministro Lubbers ta regresa Curacao.

Prome Ministro Maria

Liberia Peters a mantene su optimismo durante dia ayera, pero DIARIO na logra haya e informenan final di e reunion di ayera anochi.

DROGA A RESULTA DI TA TALCO

ORANJESTAD(AAN)—Dialuna madruga pa mas o menos 2.10 or, Centrale Post despues di a ricibi un yamada telefonico, a dirigi un patruya pa Kamerling Onnestraat, caminda un persona lo mester a atrapa dos mucha homber cu a bula sali di un cura.

Na yegada di e patruya na e direccion menciona, a resulta cu dos joven tabata pushando un auto

cu no tabata tin number.

Tabata trata di e jovennan bon conoci pa polis, H.F. di 32 aña di edad sin lugar permanente pa biba, y T.W. di 22 aña di edad, cu ta biba na Noord. Den nan declaracion na polis nan a bisa cu ta awa nan a bay busca pa nan auto.

Patruya no a confia e asunto y a realiza un chequeo. A resulta cu H.F. tabata tin un saco di

plastic den cual tabata tin algo blanco cu parece cocaina. E tabata den su jockey.

Como cu e dos jovennan tabata bao di influencia di alcohol, nan a wordo hiba warda caminda nan a haya un cuarto gratis pa por a pasa nan wayaba.

Patruya no por a bay cu e auto, debi cu e vehiculo no kier a start, pero a dicidi di kita e yabi y laga e auto canto di caminda.

Den horanan di mainta pa mas o menos 10.20 or, despues cu nan wayaba a pasa un poco, nan a wordo interroga pa BVM, caminda a resulta cu e saco cu H.F. tabata tin den su poder tabata contene talco. Comoquiera cu e duo no tabata tin droga den su poder, el a wordo laga den libertad.

PROME TORMENTO TROPICAL "ANNA"

ORANJESTAD(AAN)—Ayera e prome tormento tropical pa e temporada aki a nace for di e depression cu tabata tin den oceano atlantico.

E tormento tropical aki a haya e number di Anna.

Ayera anochi e tabata na 31.5 grado noord, 67.3 grado west, 220 ki-

Si sigui lesa pag. 6